



Standard kvaliteta licenciranja klubova 2012

IZJAVA O POLITICI LICENCIRANJA

Zahtjev br.2

IZJAVA O POLITICI UPRAVLJANJA SISTEMOM LICENCIRANJA KLUBOVA I PROCESOM MONITORINGA KLUBOVA NS/FS BIH

Sistem za licenciranje klubova postao je ključni faktor za unapređenje nogomet/fudbala u Bosni i Hercegovini. Cilj sistema je osigurati efektivno i efikasno vođenje procesa licenciranja klubova uz pravovremeno pružanje relevantnih informacija potrebnih klubovima da bi aplicirali za licencu.

Osnovni principi sistema za licenciranje klubova su nezavisnost i povjerljivost, najbitniji u postupku odlučivanja o izdavanju licence, čime preuzimamo obavezu vođenja sistema u skladu sa važećim aktima NS/FS BiH i UEFA-e. Stoga se među našim osnovnim zadacima ističe redovna komunikacija i upoznavanje klubova sa važećim propisima za licenciranje klubova, kao i procesa monitoringa klubova. Novi propisi, kao i odgovarajući komplet dokumentacije za licenciranje klubova, su detaljno pojašnjeni na radionicama i bilateralnim sastancima tokom prethodne sezone. Jedan od zadataka je da klubove putem radionica/seminara detaljno upoznamo sa novim propisima u nastupajućoj sezoni licenciranja.

U cilju stalnog unapređenja nivoa usluga koje pružamo našim klubovima, uz povećanja efektivnosti i efikasnosti sistema za licenciranje klubova u cjelini, nastojaćemo naše vanjske partnere još više uključiti u godišnji pregled.

NS/FS BiH će uspostaviti sistem upravljanja licenciranjem klubova i proces monitoringa klubova, uz maksimalno osiguranje poštivanja zahtjeva koje je postavljen Standardom kvaliteta licenciranja klubova 2012. od strane involviranih osoba.

Preuzimamo obavezu pridržavanja vlastitih propisa, kao i svih važećih državnih zakona i propisa FIFA-e i UEFA-e.

Svi zainteresovani će biti redovno obaviještavani putem web strane NS/FS BiH o najvažnijim aktivnostima vezanim za licenciranje klubova. Osiguraćemo da svi koji su involvirani u licenciranje klubova prođu kroz adekvatnu obuku, kako bi bili potpuno upoznati sa svojim zadacima.

Svi aktivni učesnici uključeni u proces licenciranja, dužni su ponašati se na etički način uz obavezu poštovanja ključnih vrijednosti o povjerljivosti i nezavisnosti. Nepridržavanje tih vrijednosti će se smatrati disciplinskim prekršajem.

Sarajevo, 31.08.2016.godine

PREDSJEDNIK

Elvedin Begić